

# LO TUATUA KPA MOSES

LO A LU EKUE

## JENESIS

1  
Job 38:4-7  
Ais 42:5;  
45:18  
Jon 1:3  
Kol 1:16  
Hib 1:10;  
11:3  
Mum 4:11  
2  
Jer 4:23  
3  
2 Kor 4:6

6  
Job 37:18  
Yoo 33:6  
Jer 10:12

9  
Job 38:8,  
10, 11  
Yoo 33:7;  
95:5  
Jer 5:22

11  
Yoo 104:14

14  
Yoo 104:19  
Jer 10:2  
Joel 2:30,  
31  
Mat 24:29  
Luk 21:25

**I** Bu boátē Bari bee dem bunyoo le nyouwe. 2 E nyouwe naa bee ere logo bera sa a bee tōō ekobu, e zii bee le si kē a toga; e Edoō Bari bee teṅa si dēdeē maa.

3 E Bari bee ko, “Doolo ee’dee le”; e ee’dee bee le. 4 E Bari bee mue ee’dee a ko a lee; e Bari bee poo ee’dee a lee loo zii. 5 Bari bee kue ee’dee a Sō-pie, e zii a na a kue Sō-edeē a. E sō unne le sō loore bee le, zii bira dee.

6 E Bari bee ko, “Doolo si bunyoo le yee dēdeē maa, sa doo ko a sere kuma yee maa le maa.” 7 E Bari bee doo si-bunyoo sa poo dēdeē maa lo a bee le keē si-bunyoo aāloo dēdeē maa lo a bee le nyoo si-bunyoo. E a bee le doo wo. 8 E Bari bee kue si-bunyoo a Bunyoo. E sō unne le sō loore bee le, lo eree bas bira dee.

9 E Bari bee ko, “Doolo dēdeē maa a le keē bunyoo lu ebongeloo aba do, sa doolo kagara kenekē sira.” E a bee le doo wo. 10 Bari bee kue kagara kē a Kenekē, e dēdeē maa a bee lu ebongeloo aba do na a bee kue Gbene-pene a. E Bari bee mue ko a lee. 11 E Bari bee ko, “Doolo kenekē nyim lu wii, dēdeē nu a yere eyuu, e bee-te a mum bee lo wa eyuu wa le bu, zii zii aba dookē ye bera le doo, nyoo kenekē.” E a bee le doo wo. 12 Kenekē bee nyim lu wii, nu efo a mum eyuu, a lu keekē dookē wa bera le doo, e dēdeē te a mum bee lo wa eyuu le bu, zii zii aba dookē ye bera le doo. E Bari bee mue ko a lee. 13 E sō unne le sō loore bee le, lo eree taa bira dee.

14 E Bari bee ko, “Doolo dēdeē nu a ne ee’dee si-bunyoo lo

bunyoo sere kuma lo sō pie lu sō edeē, sa doo ko ba lu edoba nu, le sō a bee lu esere, le buā dee le dua, 15 sa doo ko ba a ne ee’dee li si bunyoo lo ene ee’dee nyouwe.” E a bee le doo wo.

16 E Bari bee dem baē gbene nu lo a ne ee’dee, lo gbene ko a bee sō pie, e lo gbagbara ko a bee sō edeē; e a bee demanage dēdeē zina. 17 E Bari bee wa yere bu si-bunyoo li bunyoo lo ene ee’dee nyouwe, 18 lo ebēe sō pie le sō edeē, le lo epoo ee’dee lee loo zii. E Bari bee mue ko a lee. 19 E sō unne le sō loore bee le, lo eree nia bira dee.

20 E Bari bee ko, “Doolo dēdeē maa nua eku eku nu a tōō dum, e doolo dēdeē enue pegi nyouwe teē si-bunyoo li bunyoo.” 21 Nyoo Bari bee dem dēdeē gbene nam a le bu gbene pene, le dēdeē nu a tōō dum awee nim keē maa, lo maa nua bee keekē si dee, dookē wa bera le doo, le dēdeē enue pēe dookē wa bera le doo. E Bari bee mue ko a lee. 22 E Bari bee wa ne leele, sa ko, “Manaa yii loo sa mma bu maa a le dēdeē gbene pene, sa doolo dēdeē enue yii loo bu nyouwe.” 23 E sō unne le sō loore bee le, lo eree o’oo bira dee.

24 E Bari bee ko, “Doolo kenekē nua keekē nu a le dum dookē dēdeē wa bera le doo; gbo nam-to le dēdeē nu a kuu-bu kenekē le nam-kue a lu keekē lo nyouwe dookē wa bera le doo.” E a bee le doo wo. 25 E Bari bee doo nam-kue a lu keekē lo nyouwe, le nam-to a lu keekē, le eregeba nu a lu keekē a kuu-bu kenekē. E Bari bee mue ko a lee.

16  
Deut 4  
Yoo 13  
9

18  
Jer 31:35

21  
Yoo 104:25,  
26

26  
Jen 3:22;  
5:1; 9:6;  
11:7  
Yoo 8:6-8  
Ais 6:8  
Jem 3:7, 9

26 Lo s̄ Bari bee k̄o, “Dooraa i dem n̄ee bu ilii bera, dook̄ē i meā le doo; sa doolo ba ere ekpo lo bari a le bu gbene pen̄e, le lo d̄ēd̄ē enue a p̄ee bunyoo, le lo nam-to, le lo d̄ēd̄ē nyuuwe, le lo d̄ēd̄ē nu a kuu-bu k̄ē bu nyuuwe.” 27 Nyoowo Bari dee dem n̄ee bu ye bera, bu bera Bari na a bee ye dem a; n̄eedam le n̄eewa na a bee wa dem a. 28 E Bari bee wa ne leelee, e Bari bee wa k̄o ne, “Manaa sa yii loo, sa mma bu nyuuwe, sa ye su seea k̄ē i; sa ere ekpo loo bari a le bu gbene pen̄e, le lo d̄ēd̄ē enue p̄ee bunyoo, le lo eregeba nu a tōs̄ dum a kiana bu nyuuwe.” 29 E Bari bee k̄o, “Ēp, m enea i d̄ēd̄ē nu efo lo a ere eyuu a le si d̄ēd̄ē nyuuwe, e eregeba te lo a ere eyuu bu ye bee; bui era wa doodoo nuede. 30 E lo eregeba nam-kue bu nyuuwe, e lo eregeba enue p̄ee bunyoo, e lo eregeba nu a kuu-bu k̄ē bu nyuuwe, d̄ēd̄ē nu a ere piogi dum, m enea eregeba nu a nyim nua nuede.” E a bee le doo wo. 31 E Bari bee mue d̄ēd̄ē nu a bee doo, e ep, a bee lee gbene. E s̄o uune le s̄o loore bee le, lo eree ini’ii bira dee.

27  
Mal 2:14,  
15  
Mat 19:4  
Maak 10:6  
1 Kor 11:7  
Efes 4:24  
Kol 3:10  
28  
Jen 9:1, 7  
Lev 26:9  
1 Tim 4:3

29  
Job 36:31  
Yoo 104:14,  
15; 145:15,  
16

30  
Yoo 104:27,  
28; 147:9

31  
Yoo 104:24  
1 Tim 4:4

**2** Bu lo si dee ama bee lu edoo bunyoo le kenek̄ē sah, le d̄ēd̄ē nu a wa le bu. 2 E nyoo lo eree era ba bira dee Bari bee sah ye tam a bee doo, e a bee feere loo nyoo era ba bira dee aaloo d̄ēd̄ē ye tam lo a bee si.

2  
A’aa 20:11;  
31:17  
Hib 4:4

3 Nyoo bee wo Bari bee ne leelee lo eree era ba bira dee sa ye sere nua kae, nyoo bee nyoo lo dee na Bari bee feere loo aaloo d̄ēd̄ē ye tam lo a bee si bu d̄ēdem nu a.

4 Alaba ama na d̄ēd̄ē s̄o eku bunyoo le kenek̄ē s̄o a bee lu edem wa a.

Bu dee Jehova Bari bee dem nyuuwe le bunyoo, 5 s̄o l̄go nu a nyim bu wii sii bee nyim bu nyuuwe, e l̄go nu efo bu wii sii bee si mēe—nyoo bee Jehova Bari sii bee doo k̄o boo a doo nyuuwe, e l̄go n̄ee a si tam wii naa bee le; 6 me tōdee bee aak̄ē aaloo kenek̄ē

sa debe d̄ēd̄ē si kenek̄ē— 7 lo s̄o Jehova Bari bee dem n̄ee aaloo esaā a le kenek̄ē, sa fuuri piogi dum yere bu ba e edee-biō; e n̄ee lu nu a tōs̄ dum. 8 E Jehova Bari bee kwa zii kere uwe a lu ebe goh tema en̄ene li Eden, bu si loo enaani wee sira aa; e lo k̄ē na a bee sere lo n̄ee a ebee dem a. 9 E Jehova Bari bee doo k̄o d̄ēd̄ē te a lee sa kpe d̄ē sa lee lo nuede a si mēe aa kenek̄ē, te dum bee lenage tāe bu kere goh ama, e te sualoo le le poro bee lenage.

7  
Jen 3:19;  
7:22  
Job 33:4  
Eklis 12:7  
1 Kor 15:  
45, 47  
8  
Jen 13:10  
Ais 51:3

9  
Jen 2:17;  
3:22  
Mum 22:2,  
14

10 Zii pen̄e bee bu aa Eden lo awee yere maa bu goh a, e lo k̄ē na a bee poa lu nia pen̄e a. 11 Bee tuatua bee kura Pishon; ale na pen̄e awee bu en̄ene d̄ēd̄ē buē Havila, k̄ē gold le; 12 e gold lo buē ama lee; bdellium le dem onyx le lo k̄ē. 13 Bee lo eree bāe pen̄e a kura Gihon; ale na awee bu en̄ene d̄ēd̄ē buē Kush. 14 Bee lo eree taa pen̄e bee kura Hidekel, lo a bu ts̄ē dee k̄ē enaani wee sira aa lo Asiria. E lo eree nia pen̄e na Yuufretis.

11  
Jen 25:18  
1 Sam 15:7

14  
Dan 10:4

15 Jehova Bari bee su n̄ee a sa bee ye yere bu goh Eden lo esi tam bu, le lo esere ye. 16 E Jehova Bari bee ne lok n̄ee a, sa k̄o, “O dap ge de eregebah te a le bu goh ama bu yoro; 17 me bee a aaloo te sualoo le le poro na oo ere ede a, nyoo bee dee o de bee a ye aaloo o ga le u.”

18 Lo s̄o Jehova Bari bee k̄o, “A naa lee k̄o n̄ee ama a tōs̄ aba ee; m ga le kwa n̄ee yerebah a boloo ye ne.” 19 Nyoo bee wo Jehova Bari bee kwa eregeba nam a le bu wii, le eregeba enue p̄ee lo bunyoo aā bu esaā, sa bee doo k̄o ba lu lo n̄ee a, lo emue nu a ekue wa; e eregeba bee n̄ee a bee kue d̄ēd̄ē nu a tōs̄ dum, lo ama na a bee lenage ye bee a. 20 N̄ee a bee ne bee d̄ēd̄ē nam-to, le d̄ēd̄ē enue p̄ee bunyoo, le d̄ēd̄ē nam a le wii; me n̄ee a naa bee mue l̄go n̄ee yerebah a ye boloo. 21 Nyoo bee wo Jehova Bari bee doo k̄o n̄ee a a do bu gbene daa, e s̄o a le daa a su zii ye ekpo-koo ye lee loo sa sik̄ē su namloo mmane lo do; 22 e ekpo-koo lo Jehova Bari bee su aaloo n̄ee

8  
Jen 13:10  
Ais 51:3

9  
Jen 2:17;  
3:22  
Mum 22:2,  
14

11  
Jen 25:18  
1 Sam 15:7

14  
Dan 10:4

19  
Jen 1:20, 24

21  
Jen 15:12  
1 Sam 26:12

a na a kwa nua nɛɛwa a, sa ye su ne nɛɛ a. 23 Lo sɔ nɛɛdam a bee kɔ, “Ehɛɛ, ale ama na ekpo a aaloo dɛdɛɛ na ekpo le namloo a aaloo na namloo a; ga le lu ekue ye Nɛɛwa, nyonebee a bee lu esu ye aã bu Nɛɛdam.”

23  
Jen 29:14  
Biaɛ 9:2  
2 Sam 5:1  
1 Kɔr 11:8  
Efes 5:30

24  
Mat 19:5  
Maak 10:7  
1 Kɔr 6:16  
Efes 5:28-31

24 Nyɔbee lo ba ama na nɛɛ elɛɛbaloo ye te le ye ka sa dabaloo ye wa, sa ba lu aba etene namloo a. 25 E nɛɛ a le ye wa, bɛɛ aba bee le eko-tɛ, e kɛɛ naa bee wa bɔp.

1  
Mat 10:16  
Mum 12:9;  
20:2

**3** Mɛ yɔɔ bee ɛrɛ kianana ɛɛ ɛrɛgeba lo dɔɔna nam-kue lo Jehova Bari bee dɛm. A bee kɔ ne nɛɛwa a, “Bari bee kɔ ge ‘Bui aa de bee a aaloo ɛrɛgeba te a le bu gɔh a?’” 2 E nɛɛwa bee kɔ ne yɔɔ a, “I dap de bee ɛrɛgeba te a le bu gɔh; 3 mɛ Bari bee kɔ, ‘Buii le de bee lo te a le tɛɛ yɛɛ bu gɔh, ale daa ye baloo, taã a doo bui u.’” 4 Mɛ yɔɔ a bee kɔ ne nɛɛwa a, “Buii le u. 5 Nyonebee Bari suã kɔmɛ sɔ bui de bee a ye aaloo na bɛɛ dɛɛ i eyea, e bui le doodoo Bari, sa suã le le porɔ.”

3  
Jen 2:17

4  
2 Kɔr 11:3

6  
Hos 6:7  
Rom 5:12  
1 Tim 2:14

6 Nyɔbee wo sɔ nɛɛwa emɔna kɔ te a lu le nuede, a lunage nu a nia dɛɛ nɛɛ, e kɔmɛ te a bee ye tɛɛ lokwa a ɛrɛ suãnu, a bee su ye bee sa de; e a bee nenage siga ye dam, e ale bee denage. 7 Lo sɔ dɛɛ bɛɛ aba bee yɛɛa, e ba bee suã kɔ ba kiã eko-tɛ; e ba gba ɛpanya fig lo ziĩ nua nu e’uwasɔ tɔ wa.

8  
Job 31:33  
Yɔɔ 139:1-12  
Jer 23:23,  
24

10  
Job 23:15

12  
Kam 28:13

8 E ba bee dã mɛɛ Jehova Bari sɔ a bee kianana bu gɔh sɔ deɛ fiitɔɔ, e nɛɛ a le ye wa bee gɔ loo wa lɛɛ kɛ sɔ Jehova Bari yɛɛ dɛdɛɛ te a le bu gɔh. 9 Mɛ Jehova Bari bee kue nɛɛ a, sa ye kɔ nɛ, “Mɛ kɛ na o le a?” 10 E a bee kɔ, “M bee dã o mɛɛ bu gɔh, e bɔɔ bee mɛ aa, nyonebee m bee le eko-tɛ, e m bee gɔ loo mɛ.” 11 A bee kɔ, “Mɛɛ na a bee a kɔ ne kɔ o bee le eko-tɛ a? O bee de ge aaloo te mda bee a nɛ lok kɔ o a de?” 12 Nɛɛdam a bee kɔ, “Nɛɛwa lo o bee mɛ ne kɔ a tɔɔ mɛ loo, ale na a bee mɛ ne bee te a, e m bee de.” 13 Lo sɔ Jehova Bari bee kɔ ne nɛɛwa a, “E na a le lo nu o bee doo ama?”

Nɛɛwa bee kɔ, “Yɔɔ a bee mɛ dag e m bee de.” 14 Jehova Bari bee kɔ ne yɔɔ a,

14  
Ais 65:25  
Maika 7:17

“Nyonebee o edoora lo nu ama, kɛɛ nu ele a nɛ eenyɔɔ dɛdɛɛ nam-tɔ, le eenyɔɔ dɛdɛɛ nam-kue; o ga le ku-bu-kɛ lo o kiã, e esaã na o ga le de dɛdɛɛ deɛ lo o dum.

15 M ga le sere baaloo yɛɛ olo le wa a, le yɛɛ oloo eyuu le aleɛ eyuu, a ga le bii o ekobee kuma kɛ, e olo ga le bii ye tɛ-kpɔɔ-tɔ kuma kɛ.”

15  
Ais 7:14  
Mat 1:23,  
25  
Luk 1:34,  
35  
Rom 16:20  
Gal 4:4  
Mum 20:1-

16 E a bee kɔ ne nɛɛwa, “M ga le doo kɔ o dumenu a yii loo bu o su bu; bu dumenu na o ga le maɛ pya o miɔɔ a, kerewo o tɛɛ nu ga le le nɛ o dam, e ale ga le bee a.”

3  
16  
Jen 16:21  
1 Kɔr 11:3  
Efes 5:12-24  
Tait 2:5

17 E a bee kɔ ne Adam, kɔ, “Nyonebee o bee gbaɛtɔ lo mɛɛ o wa, sa bee de aaloo te a lo mda bee a nɛ lok, ‘O a ye de aaloo,’ kɛɛ nu le nɛ kenekɛ nyɔbee olo; bu ɛpiaga na o ga le de nu ye aaloo yube deɛ lo o dum;

17  
Jen 5:29  
Eklis 1:22,  
23  
Rom 8:20-22

18 suu le biɔnobiɔkue na a ga le si a nɛ a; e o ga le de nu a bee lu efo bu wii.

19 Lo kiere o si na o ga le de fituru mme sɔ o obia ina lo kenekɛ, nyonebee aa bu ye na a bee lu esu a nua; o lu esaã, e lo esaã na o obiage kii a.”

19  
Jen 2:7  
Job 34:15

20 Nɛɛ a bee kue bee ye wa Iv, nyonebee a bee le ka dɛdɛɛ pya a tɔɔ dum. 21 E Jehova Bari bee su kpa nam daã nu yaa loo Adam le ye wa, sa wa yere loo.

22 Lo sɔ Jehova Bari bee kɔ; “ɛp, nɛɛ a elea doodoo ziĩ ili, sa suãloo le le porɔ; e nyawo, taã a doo a niina bah ye sa su nu aaloo te dum a, sa de, sa tɔɔ dum mme deedeɛ”— 23 nyɔbee wo Jehova Bari bee ye ture lɛɛ bu gɔh Eden, lo esi tam kenekɛ lo a bee lu esu ye

22  
Jen 2:9; 3:5

24  
Jen 2:8  
Yoo 104:4  
Hib 1:7

aã bu. 24 A bee kpo nee a kuma  
ee; e lo si enaani wee sira aa lo goh  
Eden a bee sere pya cherub le ego-  
miã gẽ no lo a kiya eregeba si dee,  
lo ekpega dee te dum a.

lo

Nama Testament

le

Aa Testament



The Bible Society of Nigeria